

mensken amkimen san. At wiар ünbegripek skrekkelk. Oober wiар det würtelk a heel?

Wi кüd üs de gaskoomer bluat uunluke auer det a skrekkelk tidj 1945 tuaanj wiар. Nü mut arken det KZ uunluke en neemen wurd diar kweelet of fergeftet. De gaskoomen de tidj faan a gaskoomer ütj Auschwitz ging ens föörbi. De heel oober as iiwig.

Daaling as det KZ en „Museum“. Uun a mataalem siig ik en bilj, diar üüb siig' am en krüs huar Jiius bi hinget. Eener wat jo fangd hed hee sin hööb üüb Jiius mä en spiker iin uun a woch ritset. Uk dediar maan stoorew uun a gaskoomer. Hi käand üüs reder Jiius. Hi stoorew twaar uun en gans skrekkelk steed, dach ham stään de hemel eeben. Ütj de heel ober, huar üs Jiius uun't nei testament üs so för wäärt (z.B. Matthäus 7,13; 5,29-30; 18,8) kön' am ham ei muar ütj a stoof maage an at jaft nian halep muar, wan a mensk diar iarstens iinuukimen as. Auer det de heel uun't jindial tu Auschwitz iiwig as, kön hi uk nimer uunluket wurd.

Uk a hemel as iiwig. An det as de plaats huar god üs haa wal. Leet'm diaram nuadige, iin uun a hemel tu kemen. Rep'm de nööm Jiius uun, en buke'm diar mä a hemel! Efter en föödrach fraad mi en wüf gans apreget: „Kön' am a hemel auerhaupt buke? Det schocht jo üütj, üüs wan de lidj üüb raisen gung wel!“ Ik stemet ham tu: „Hoker ei buket, komt ei tu steed. Wan dü tu Hawaii wääl, bukest dü dach uk en güljig faarkoord för a fliger.“ Hat fraat weler: „Det faarkoord skal dach betaal wurd?!“ Uu jä det faarkoord tu a hemel uk! Det as oober so pöberjüür, det at neemen faan üs betaale kön. Üüs san (Sünde) ferhanert det. God düljet uun san hemel nian san (Sünde). Hoker efter dethier leewent de iiwighaid bi god uun a hemel ferbring maad, skal iarst faan sin skilj freimaad wurd. Wi kön bluat freimaad wurd dör en persuun rian en saner san (Sünde) – en dediar persuun as Jiius. Bluat hi alian kön det betaale! An hi hee't betaalat mä sin blud, dör san duas bi't krüs.“



En wat skal ik nü du, dat ik uun a hemel kem? God nuadigt uk üs, diarmä uk wi redet wurd. Muar steden uun a biibel nuadige üs, üüb de rep (Ruf) faan god tu reagiarin:

- „*Ring 'm diarefter, troch de naar puart iin tu gungen!*“ (Lukas 13,24).
- „*Dum buuse, dan det hemelrik as nai tu üs ki-men!*“ (Matthäus 4,17).
- „*Gung 'm troch de naar puart, dan widj as de puart an briad de wai, di tu't ferderew feerd. An at san en mase, wat üüb ham iingung. Dan naar as de puart en smeel as de wai, wat tu'tLeewent feerd, oober ei fölen finj ham.*“ (Matthäus 7,13–14).
- „*Grip det iiwig leewent, tu wat dü berepen warden beest*“ (1. Timotheus 6,12).
- „*Liaw uun Jiius, en dü wurst redet*“ (Apostelgeschichte 16,31).

Ham markt de iarnst an de dringelkhaid uun a biibelsteeden. So handle wi bluat consequent, wan wi de nuadigin tu a hemel swaare mä en gebeet, wat ham so uunhiar küd:

„Jiius, ik haa daaling leesen, dat ik bluat troch di iin uun a hemel kem kön. Ik maad ens bi di uun a hemel wees. Rede mi diaram föör de heel, huar ik auer al

min skilj eentelk hen hiar. Auer det dü mi so leew heest, beest dü uk för mi bi't krüs störwen en heest diar de stroof för min skilj betaalat. Dü schochst al min skilj – faan min kinthaid uf uun. Dü käänst arke san (Sünde), ales, wat ik nü witj, oober uk ales, wat ik al loong ferjiden haa. Dü käänst archke reering faan min hart. För di san ik üüs en eebenslaanjen buk. So, hü ik san, kön ik ei tu di uun a hemel kem. Ik bad di, ferjiiw mi aal min skilj, wat mi faan harten iarig dee. Kom dü nü uun min leewent an mai at nei. Halep mi, ales uftuleien, wat för di ei rocht as an skeenk mi nei dun, (Gewohnheiten) soken wat oner din seegen stun. Slütj mi din wurd, de biibel, eeben. Halep mi, dat ik ferstun, wat dü mi sai wel en skeenk dü mi en hart wat üüb di harket, diarmä ik du, wat di gefäält. Dü skääl faan nü uf uun man hergod wees. Ik wal di fulge, wise mi de wai, hün ik gung skal uun ale tidjen faan min leewent. Ik toonke di, dat dü mi hiard heest, dat ik nü en go-deskint wees mut, wat ens bi di uun a hemel wees mut. Aamen.“

Direktor und Professor a. D.
Dr. Ing. Werner Gitt



Original Title: Wie komme ich in den Himmel?
Author's home page: www.wernergitt.de
Translation from German: Ellen und Philipp Früchticht
Correction: Enken Tholund

Publisher: Bruderhand-Medien
Am Hofe 2, 29342 Wienhausen; Germany; Tel.: +49 (0) 51 49 98 91-0, Fax: -19
E-Mail: info@bruderhand.de; Homepage: bruderhand.de

Nr. 120-42 – Friesisch/ Frisian – 3rd Edition 2013/11 (Fering, Nordseeinsel Föhr)

Hü kem ik uun a hemel?

Werner Gitt

Hü kem ik uun a hemel?

De fraag efter a iiwighaid wurd faan en mase mensken wechtrakt. Det sä wi uk bi dönen, wat auer hör aanj efterteenk. Drew Barrymore det as ian faan de litj üütj Hollywood uun Ameerika. Hat hee üüs letj foomen uun de film „E.T. – der Außerirdische“ mäspellet. Üüs hat 28 juar ual wiär (bäären 1975) saad hat: „Wan ik för min kaat sterew skul, do skal min kaat min eesk tu freeden fu. Do lewe ik tumanst uun min kaat widjer.“ Kön ham nian skrek fu för so letjet weden uun ferbinjing mä a duad?

Üüs Jiius üüb a eerd lewet, kam föl mensken tu ham. Hör uunleien wiär miast altumal eerdsk aard:

- **Tjiin kranken (Aussätzige) wul sünj wurd** (Lukas 17,13),
- **Bliinen wul weler luke** (Matthäus 9,27),
- **Eener wul halep haa bi en striidj am an arafdial** (Lukas 12,13-14),
- **Pharisäer fraat of ham a Kaiser stjüuren betaale skal** (Matthäus 22,17).

Bluat man mensken kaam tu jiius, am faan ham tu weden tu fun, hü ham uun a hemel kommt. En riken jongen maan kaam tu ham en fraat: „**Wat skal ik du, diarmä ik det iiwig leewent arwe?**“ (Lukas 18,18). Ham wurd saad, wat hi du skul, nemelk: ales ferkuppe, huaruun sin hart ham hinget an Jiius fulige. Hi wiär uu so rik, hi befuligt de riad ei en fersichtet diarmä üüb a hemel. Et jeew uk lidj, jo soocht de hemel goorei iarst, oober jo wurd faan Jiius diarüüb henwiset üüs hi jo meet. An do saad jo gliks tu. Zachäus wul Jiius sä. Oober hi foon muar üüs wat hi toocht hed. Efter de beschük uun't hüs faan Zachäus bi't

kofedranken – foon hi de hemel. Jiius stääld feest: „**Daaling as detheer hüs hial wurden**“ (Lukas 19,9).

Hü fant ham a hemel?

Efter det wat bi't nü saad wurden as, kön wi feesthual:

- Det hemelrik fant ham üüb an gans bestemten dai. Det as gud tu weden, dan so wurt det uk för di, leew leeser en leew leeserin, daaling mögelk, det iiwig leewent tu fun.
- De fertiinst faan det hemelrik as ei mä en leistung ferbünjen.
- Det hemelrik kön ham gans ünferwaans finj.

Üüs aanj föörsteling, uun a hemel tu kemen, as dörwech ferkiard, wan wi faan godes wurd ütgung (det wat god saad hee). En schongsterin (Sängerin) song uun en stak auer en kloon, hi hed juarenloong uun a zirkus werket en hääl nü ap: „Hi kommt seeker uun a hemel, dan hi hee en mase mensken bliis maaget.“ En rik wüf ütj en graten ferian leet en aarmenhüs bau, diar küd 20 wüfen amsonst uun lewe. At jeew oober ian bedinging: De wüfen skul jo ferplichte, arken dai en stünj för det sialenhial faan det rik wüf tu beedigen.

Wat brankt üüs uun a hemel?

Am det uunswurd faan detheer fraag dütelk tu maagin hee Jiius üs en gliknis fertäld. Uun't buk Lukas kapitel 14,16 snaaket hi faan en mensk (deheer stäänd uun't gliknis för god), wat en grat fest (det stäänd uun det gliknis för a hemel) ütjacht wal, en tuiarst bluad nuadigen tu ütjsoocht lidj ferstjüurd. De uunswurden maat gans ring tu mud. Een efter de öler entskiljiget ham. De iarst saad: „Ik haa en stak lun keeft“, de naist: „Ik haa mi jüst iarst befreid. Diaram kön ik ei kem.“ Jiius beaanjigt det gliknis mä det uadial faan a hüsmaan: „**Ik sai jam, dat ei een faan de maaner wat nuadigt wiär min oontmool (Abendmahl) smeekt**“ (Lukas 14,24).

Diaruun schocht am det am de hemel wan of ferlees kön. Diar huar't üüb uun kommt as det, uunnemen of ütjslauen faan de nuadigung. Gungt det noch ianfacher? Dach wel ei! Wan ens en mase mensken faan a hemel ütjslööden wurden san, do ei diaram, auer det jo de wai ei käänd haa, sondern auer det jo de nuadigung ütjslaanjen haa.

Dön trii uun det gliknis neemd lidj san üs nian föörbilj, dan neemen naamde nuadigung uun an kommt tu det fest! Fäält det fest nü ütj? Nee! Efter de ufbööden stjüürt de hüsmaan aueraal nudianuadigen hen. Nü wurd nian wäärdig kurden muar drückt. Nü rept hi üs tu: „Kem' am!“ An det as det wat täält. An arken, wat ham nuadige leet, hee en seeker steed bi det fest. Wat pasiareit nü? Jä, de lidj kem – sogoor grat sköölen. Efter en sküür luket de hüsmaan hüfölen diar san. At as noch steed! Hi said tu sin tiinstknechter an tiinstfoomnen: „Gung'm weler ütj! Nuadige'm widjer iin!“

Bi detheer steed maad ik det gliknis üüb üs auerdreeg, dan det draapt jüst üüb üüs laag daaling tu. At jaft noch frei steeden uun a hemel. An a hergod said tu di: „kom, nem din steed uun a hemel iin! Wees kluk en besat dan plaats uun a hemel för de iiwighaid! Du't noch daaling!“

A hemel as unbegripelk smok, en diaram ferglikt ham Jiius mä en grat fest. Uun a 1. korinterbrief (kap. 2,9) ständ diar tu: „**Wat nian uug sän an nian uar hiard hee en iin uun nian menskenhart kimen as, wat god för jo hee, wat ham leew haa.**“ Mä nik, oober uk mä



goorniks üüb deheer eerd as a hemel bluat en letj stak tu fergliken. Uu so smok as at diar! A hemel mut wi üüb arke faal ei ferpaase, dan hi as so wäärdig. Eener hee för üs de dör tu a hemel eeben slööden. Det as Jiius, de dring faan üüs hergod! Ham haa wi det uk noch tu fertoonken, det at so ianfach as, diarhen tu kemen. Nü leit det bluat noch uun üs, of wi det wel of ei. Bluat hoker so ünkluk as üüs de trii maaner uun det gliknis, naamde nuadigung ei uun.

Jiius redet üs

Uun a Apostelgeschichte (kap. 2,21) lees wi en temelk wichtigen fääs: „**Arken, wat Jiius unrept, wurd redet.**“ Det as een faan a steeden huart üüb uun kommt uun't nei testament. Üüs Paulus linsperet wiär uunt suart hüs uun Philippi, broocht hi det uun en stak snaak mä de maan wat üüb ham üüpaae skul üüb a ponkt: „**Liaw uun üüs herr Jiius do wurdst dü redet, dü en din hüs**“ (Apostelgeschichte 16,31). Deheer bööd as kurt en knaap, oober det feranert üüs leewent. Noch uun deheer naacht bekiard ham de üüpaaer tu Jiius.

Et jaft wat, wat wi ünbedingt wed skel: Jiius maad üs faan de wai wech haale, de uun a ferdamnis aanjiget, a heel (Hölle). Auer hemel en heel said de biibel, dat de mensken diar iiwig san. Det ian steed as herelk, det öler skrekkelk. En traad steed jaft det ei. Fiiw minüten efter de duad kön neemen muar sai, mä a duad as ales föörbri. Uun a persuun Jiius entskiast ham ales. Huar wi iiwig bliiw hinget faan een iansigst persuun uf: Jiius – en faan üüs amgung mä ham!

Üüs ik uun Polen onerwai wiär am en föödrach tu hualen, besoocht wi det KZ Auschwitz ütj a naist wäältkrich. Hü wi witj san diar skrekkelk saagen för ham gingen, faan 1942 bi't 1944 wurd diar muar üüs 1,6 miljuunen mensken, föör't miast juuden, fergaset an do apbraand. Uun a buken wurd faan a ,heel faan Auschwitz' snaaket. Ik haa auer de diar beteekning efter toocht, üüs wi faan en maan, wat diar werket, troch en gaskoomer feerd wurd, huar üüb mool 600